



# Тасвир

## БИЗНИНГ СУҲБАТ

# ОҒИРЛИКНИ БЎЙНИМИЗГА ОЛГАНМИЗ!

Ўзномамизнинг ўтган сонида Ўзбекистон Жумҳурияти Президентининг Зокиржон Алматовни Ўзбекистон Жумҳурияти ички ишлар вазирлиги этиб тайинлаш тўғрисидаги Фар-

мони билан таништирдик. Мухбиримиз милиция полковниги З. Алматов билан учрашиб, у кишидан бир неча саволларга жавоб беришни илтимос қилди.

— Мухтарам вазир, авваламбор Сизни кўпсонли мухлисларимиз номидан юксак лавозим билан чин дилдан қўтлаймиз.

— Раҳмат.

— Қадимдан: «Подшолик тинч бўлса, юртининг қосаси оқаради», — деган гап бор. Сиз лойиқ топилган жумҳурият ҳукуматидаги энг масъул мансаблардан бири улуснинг хотиржам яшаши, ишлаши ва ижод қилишини таъминлашга даъват этилган ходимларга раҳбарликдан иборатдир. Шунинг учун ўзномасеварларни, ички ишлар идоралари ходимларини ишга нимадан бошламоқчилигиниз қизиқтирмасдан қўймайди. Биринчи навбатда ечимини кутаётган муаммоларга тўхталиб ўтсангиз.

— Ҳақиқатдан менинг чекимга, найинки менинг, балки барча милиция ходимлари чекимга ниҳоятда вазмин юк тушган. Устига устак, тез-тез ноўрин эътирозлар ҳам ёғилиб туради. Лекин ишга ана шу оғирликни бўйнимизга олиб кирганмиз. Ҳеч кимни биров милицияда зугум билан хизмат қилдирмайди. Шунинг учун тош келса кемиришдан, сув келса симиришдан ўзга иложимиз йўқ.

Энди саволингизнинг иккинчи қисмига ўтсак. Бозор иқтисодиётига ўтиш даври муносабати билан жиноятчилик таркиби ва турида жиддий ангилликлар юз бермоқда. Мана шу ўзгаришлар кетидан унга қарши қўриқчиликка мўлжалланган ўнлаб чора-тадбирларни акс эттир-

ган қоп-қоп қорозни қоралашнинг ҳожати бормикан? Ундан кўра олдиндан башорат қилиш ва бошқача тус олган вазиятга тайёр туриш яхши эмасми? Албатта, бундай фикрлаш учун вазирликдаги кўп ходимлар онгида янгича мулоҳаза юритишни уйғотишимиз керак. Хуллас, бундан буён жиноятчилик билан кураш маркази ҳисобланмиш вазирликда воқеалар ривожига оддий томошабин сифатида кузатишга чек қўйилади. Аксинча, жиноятчилик оқими заботини қирқиб йўллари қидирилади.

Муаммолар ҳақида эса шу қадар кўп ёзилиб, беҳисоб айтилмоқдаки, унинг ечими долзарблиги ҳақидаги сўзларнинг сийқаси чиқиб кетди. Ҳатто одамларнинг қўлоғи ҳам ўрганиб қолди. Энг даҳшатлиси шунда.

Шунга қарамадан ҳозир техника, штат, маблағ бора-сидаги муаммолар тугунининг ечилишини тезлатиш мақсадида жумҳурият ҳукуматидаги тақлиф тайёрлаб-миз. Агар биз кўчаларимиз осойишталиги, одамларимиз ороми бузилмаслигини истар эканмиз, харажатлар юзига қарама-қарши зарур. Арзон шўрва татимайди, дейди халқимиз.

Яна бир муҳим масала — кадрлар муаммоси. Бу энди кўп жиҳатдан ўзимизга боғлиқ. Ходимларни ўз вазифаларини ўташга ҳар томонлама тайёрлаш сифатини оширмасдан туриб, қийин шароитда халқ бераётган маблағни ҳавога совириш

ҳеч гап эмас. Мен бу ўринда ходимларнинг ҳам руҳий, ҳам маънавий, ҳам жисмоний чидамлилигини ва касб маҳоратини назарда тутяман. Шу маънода милицияга қабул қилиш шартларини тўла қайта кўриб чиқиш даркор. Америка полициясида бўй, вазнининг қуйи чегараси бор. Бежизга улардаги полициячи гавдасини кўрган ҳуқуқбузарлик шайдоси тиззасига титроқ югурмайди.

— Вазир сифатида кадрларни танлаш, тарбиялаш, жой-жойига қўйиш сиёсатини ўтказишда нималарга асосланасиз?

— Жавобим ниҳоятда қисқа бўлади. Малака ва ҳалоллик. Изланиш ва бурчга садоқат.

— «Ўзбекистон Жумҳурияти давлат мустақиллиги асослари тўғрисида»ги Қонунга мувофиқ иттифоқ ички ишлар вазирлиги билан муносабатлар қандай тус олади?

— Биз мустақил давлатмиз. Шундай экан, ССЖИ ИИВга қуйидагиларга буйруқ берувчи юқори идора сифатида эмас, балки бир неча давлат ҳудуди бўйлаб тармоқ ёйган жиноятчилик билан курашдаги шерик сифатида қаралади. Худди шундай ҳамкорликни бошқа хорижий мамлакатлар ҳуқуқ-тартибот идоралари билан ҳам ўрнатиб ниятимиз бор.

Ўзбекистон кун сайин чет давлатлар билан сиёсий, иқтисодий, маданий ва бошқа алоқаларни ку-



чайтирмоқда. Мамлакатга келиш ва ундан кетиш йўллари жуда осонлашди. Ўз ўзидан равшанки, жиноий унсурлар бундан фойдаланишга уринишади.

— Жумҳурият ИИВда иш юритишда давлат тилининг мавқеи кучаядими? Барча ходимлар бу тилни хизмат бурчинини ўташ доирасида билиш шарт, деб ҳисоблайсизми?

— Назаримда саволингиз бироз ноўрин. Мустақил давлатнинг ички ишлар вазирлигида давлат тилида иш юритишни кучайтиришга зарурат йўқ, балки юритиш керак, тамом-вассалом. Ҳар бир ходим давлат тилини эгаллаши шарт. Ҳозир вазирликда курслар очилган. Фақат ўрганиш учун хиёл кўп керак, холос.

— Вазирликда жиноятчиликнинг олдини олиш ва уни очиб билан боғлиқ бўлмаган штатлар сони ҳаддан зиёд эмасми?

— Мени жиддий ўйлантираётган масаладан оғиз очдингиз. Сиз тилга олган штатлар сони шу қадар кўп-

ки, уларсиз ишнинг пачаваси чиқиши мумкинлиги ҳақидаги фикр шундай усталик билан сингдирилганки, ҳайратдан лол қолсан киши. Албатта, ёрдамчи бошқарма ва бўлимлар ҳисобидан милиция вазифасига юклатилган «қора иш»ни бажарадиган ходимлар сонини кўпайтиришга ҳаракат қиламиз. Шундагина юқорида айтилганидек, элнинг қосаси оқаришига кўпроқ ҳисса қўйиш имкони туғилади.

— Мухтарам вазир, суҳбатимиз ниҳоятда ўзнома жамоасининг бир истагини Сизга билдиришни эп кўрдик. У ҳам бўлса, «Постда» орқали ўзнома-севарлар билан учрашиб турсангиз. Бу ҳеч қандай воситасиз кўпчилигини тўққилантираётган масалалардан огоҳ бўлишда катта ёрдам беради.

— Мен ҳамиша бундай учрашувларга тайёрман. Зеро, жонли мулоқотнинг ўрнини ҳеч нарса босолмайди.

Суҳбатдош Ғайрат ЖўРА.



Суратда муҳрланган ушбу ҳолатни жумҳуриятимиз кўчаларида кўп кўргансиз. Қондан бузган ҳар бир ҳайдовчи ана шундай текширувдан ўтказилиши лозим. Марғилон шаҳар ИИВ

ДАН йўл назорати инспектори, байналмилалчи, милиция старшинаси Алишер Камолов учун хизмат давомида бундай учрашувлар, милиционерлик нуқтани назаридан қараганда, одатий ҳолдир. Унинг талабчанли-

ги, қаттиққўллиги, ҳайдовчилар билан тушунтириш йўли орқали муроса қилиши ўз иштини мукаммал биланлигидан далолат беради. Фуломжон УБАЙДУЛЛАЕВ олган сурат.

## ЁРДАМ БЕРГАНИДАН ХУРСАНД

Тун. Ҳамма уйқуда. Милиция катта лейтенанти А. Дўсимов, милиция капитани Д. Абдуллаев, милиция лейтенанти Ю. Мамажоновларгина бедор. Уларнинг диққатини елдай учиб келатган «ЗАЗ» белгили С 94-00 ТШ рақамли машина тортди. Ҳайдовчи ходимларнинг тўхташ ҳақидаги ишорасига парво қилмай ўтиб кетди. Гурӯҳ уни кузатишга киришди.

Айланма йўл билан олдиндан кесиб чиқишди. Ҳайдовчининг безовталаниши, кийим-бошининг ҳўл-лиги, улов ичидан анқибган галати ҳид ходимларни сергаклантирди.

— Тўғриси айтсангиз, айбингиз енгиллашади. Ўзингизни ёлгон гапиришга мажбур қилманг. Еш бола эмасиз-ку!

Гаплар таъсир қилдими, ҳар ҳолда у мол ўғирлаб, канал бўйидаги уйлاردан бирига яшириб келатганлигини тан олди. Аммо бир ўзим қилдим, деб чағитмоқ-

чи бўлди. Синчков гурӯҳ ходимлари бир ўзи эплай олмаслигини исботлагач, кабобчи оғайни си ҳақида маълумотлар берди.

Бу каби тез фурсатда очилган жиноятлар А. Дўсимовнинг иш фаолиятида ўнлаб учрайди. Болалигидан шу касбга меҳр қўйган Абдужаббор армия сафидан қайтгач, Тошкент Давлат дорилфунунининг ҳуқуқшунослик куллиётига ўқишга кирди. Уни муваффақиятли тугатгач, Янгийўл тумани ИИВга йўланма олди. Ҳозир Халқобод қўрғонда участка вакили бўлиб ишламоқда. Унга турли ёшдаги одамлар турли ёрдамлар сўраб мурожаат қилишади. Бу илтимоснома, сўровларда одамлар тақдирини, орзу-ҳавасини ётади. Буни юракдан ҳис қилган Абдужаббор кечаю кундуз эл хизматида. Бирон кишининг кўнглини кўтаролса, ёрдам кўрсата олса, шунга хурсанд. Қўчқор ЖУМАҚУЛОВ.





